

SHKALLËT E BESIMTARËVE NË RRUGËTIMIN DREJT ALLAHUT (MEDAARIXH ES-SAALIKIIN)

Shqetësimi / *el-Kalku* /

Dr. Hatim el-Haxh

Materiali është përmbledhje e kuptimeve të audio-ligjëratës nga nxënësit e hoxhës

<https://buff.ly/2hbVv4T>

Allahu ﷻ tha:

"وَعَجِلْتُ إِلَيْكَ رَبِّ لِتَرْضَى"

"... dhe u nguta për te Ti, o Zoti im, që të jesh i kënaqur." (Ta-He, 84)

Shqetësimi (*el-kalku*) ka të bëjë me trazimin e mallit (*sheuk*) duke hequr dorë nga durimi.¹ Kjo ka tri nivele:

Niveli i parë është një shqetësim që:

- E bën të vështirë karakterin²
- I bën njerëzit të papëlqyeshëm³
- Dhe e bën të kënaqshme vdekjen

Niveli i dytë është një shqetësim që:

¹ Kjo është një ndjenjë më intensive e mallit për Allahun që shqetëson njeriun dhe nganjëherë e bën të shfaqë simptoma të këtij shqetësimi në sjelljen e tij dhe në marrëdhëniet me njerëz.

² Sepse personi i shqetësuar do ta ketë vështirë të jetë i pajtueshëm me njerëz. Nganjëherë kjo mund të rezultojë në vrazhdësi ose në diçka që mund të perceptohet si vrazhdësi. Sidoqoftë, ne instruktohem të sillemi mirë me njerëz, kështu që ndjenjat duhet të përshtaten me anë të bindjes së vullnetshme ndaj udhëzimit hyjnor.

³ Sepse personi i shqetësuar s'do të ketë shumë gjëra të përbashkëta me ta. Në ditët e hershme të tij, Imam Ibn Tejmije dilte në shkretëtirë dhe recitonte poezinë e të dashurit të Lejlës (duke iu drejtuar Allahut në vend të tij):

وَأَخْرَجُ مِنْ بَيْنِ الْبُيُوتِ لِعَلَّنِي ... أَحَدْتُ عَنْكَ النَّفْسَ بِالسَّرِّ خَالِيَا

"Dola në shkretëtirë që ... t'i flasë vetes sime për Ty në privatësi"

- Lufton me arsyen⁴
- Shurdhon veshët⁵
- Dhe mposht durimin⁶

Niveli i tretë është një shqetësim që:

- Kurrë nuk tregon mëshirë⁷
- Kurrë nuk pranon kufij ose afate⁸
- Dhe kurrë nuk kursen ndokënd⁹

⁴ Duke dashur t'ia rrëmbejë atë (arsyen) realitetit të ekzistencës së tij në këtë botë. Duhet të thuhet se më të mirët e këtij *umeti* qenë plotësisht të vetëdijshëm për realitetin dhe angazhoheshin në të në mënyrën që ishte e kënaqshme për Zotin e tyre, me qëllim që të arrinin të mirën e krijesave ndërsa kërkonin të mirën më të madhe - devocionin ndaj Zotit. Të qenët i esëllt gjithmonë do të jetë më mirë sesa dehja. Dehja nuk është një urë e domosdoshme për te esëllima në praninë e hyjnore.

⁵ I shqetësuar mund të mos dëgjojë diçka tjetër përveç asaj për të cilën ka mall.

⁶ Fuqia e durimit s'mund ta qetësojë këtë shqetësim.

⁷ Domethënë, ky është një shqetësim mbizotërues e i papërmbajtshëm, që s'e lë të shqetësuarin të pushojë.

⁸ Shqetësimi s'mund të kufizohet, të menaxhohet, të zvogëlohet, dhe nuk ndalet kurrë.

⁹ Gjithçka do të zhduket në vetëdijen e të shqetësuarit, përfshirë këtu dhe veten e tij.